



ACTA DA NEGOCIACIÓN DA PROPOSTA DE MODIFICACIÓN DA RELACIÓN DE POSTOS DE TRABALLO DA VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO

LUGAR: videoconferencia

DATA: 4 de xuño de 2021

HORA DE COMEZO: 13.00 h

HORA DE REMATE: 14.15 h

ASISTENTES

POLAS ORGANIZACIÓNS SINDICAIS

CIG: Xerardo Alvaredo Maceda

CC.OO. Juan José Rodríguez Blanco

Rocío Salgado Beceiro

Juan Carlos García Campaña

CSIF: Pedro Javier Landeira Méndez

UXT: José Ramón Rey Couselo

POLA VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO

Verónica Tellado Barcia (vicesecretaria xeral)

Mª Raquel Fernández Yáñez (xefa do servizo de Recursos Humanos e Réxime Interior)

Comeza a reunión dez minutos máis tarde da hora prevista por problemas de conexión.

A vicesecretaria abre a reunión pedindo desculpas polos problemas técnicos para de seguido, e tras agradecer aos representantes sindicais a súa presenza, facer unha breve exposición da documentación remitida coa convocatoria:



- Proposta de memoria xustificativa.
- Táboa de equivalencias.
- Proposta de postos a crear.
- Proposta de postos a amortizar.

Informa así mesmo, que unha vez que se tramite a RPT obxecto da negociación, retomarase a RPT da Axencia galega de seguridade pública (AGASP), dado que nese caso, cóntase con todos os informes preceptivos favorables. Se a dita modificación non foi aprobada é que está condicionada á financiación con fondos da Vicepresidencia primeira cuxa RPT é preciso volver a negociar ao entrar en vigor un novo Decreto de estrutura (Decreto 214/2020, do 3 de decembro).

Así mesmo, respecto do que establece a disposición adicional primeira do Decreto de estrutura, sobre a integración na Axencia Galega de Emerxencias da Subdirección Xeral de Planificación e Protección Civil e dos servizos de Emerxencias das xefaturas territoriais, farase a oportuno modificación da RPT no momento que se aprobe o seu regulamento.

Antes de debullar o contido da proposta, mencionar que foron advertidas dúas erratas na memoria técnica, unha ao respecto da descrición de letrado/a especialista na mellora da calidade normativa, cuxa xustificación reflectida é a correspondente á praza de especialista en función pública e laboral. Por último, no centro de destino da Unidade de apoio á fiscalía superior da Coruña, a denominación correcta do posto sería secretario/a fiscalía superior. A documentación corrixida (memoria funcional e táboa de equivalencias) será remitida unha vez remate a reunión.

Dito isto, en canto ao contido da proposta:

Secretaría xeral técnica:

Establécese a dispoñibilidade horaria e se cambia a denominación ao posto de xefatura de negociado de persoal II polos traballos desenvolto en relación á nómina e da seguridade social.



Dirección xeral de xustiza:

Créase unha xefatura de servizo, unha xefatura de negociado e unha xefatura de sección.

Establécese ademais un cambio de denominación da escala requirida para varios postos da DX de cara á unificación das denominacións.

Dirección xeral de relacións institucionais e parlamentarias:

Créase a subdirección xeral de relacións institucionais e parlamentarias.

Dirección xeral de relacións exteriores e coa Unión Europea:

Créase un posto base por sentenza xudicial.

En canto aos servizos periféricos:

Xefatura territorial da Coruña:

Propónse a creación dunha xefatura de negociado así como a inclusión do complemento de dispoñibilidade horaria á xefatura de negociado administrativo I que ademais pasaría a denominarse xefatura de negociado habilitación e seguridade social ao xestionar a nómina de todo o persoal de xustiza da provincia da Coruña.

Creación dun posto de auxiliar de arquivos e bibliotecas como persoal funcionario.

Xefatura territorial de Lugo:

Posto de auxiliar de arquivos e bibliotecas.

Xefatura territorial de Ourense:

Posto de auxiliar de arquivos e bibliotecas.

Xefatura territorial de Pontevedra:

Posto de auxiliar de arquivos e bibliotecas para dar cobertura aos edificios xudiciais de Vigo.

ASESORÍA XURÍDICA XERAL:

Por último, propónse a creación de dous postos de letrado ou letrada especialista.

Logo da súa exposición, a vicesecretaria xeral cédelle á palabra aos representantes das organizacións sindicais, comezando a rolda de alegacións o representante da CIG, que manifesta,

Os postos de estrutura non deben estar abertos a outras administracións e deben ser por concurso e non de cobertura por libre disposición. Sobre os postos a crear de letrados/as especialistas consideran que a xustificación incluída na memoria é insuficiente e solicitan que estes postos só estean abertos a funcionarios/as da Xunta de Galicia.

Respecto dos auxiliares de arquivos solicitan facer unha avaliación da situación concreta dos efectivos e das necesidades.

En canto aos complementos de habilitación propostos para as xefaturas de negociados en servizos centrais e na xefatura territorial da Coruña, solicitan explicación de se se trata de postos cubertos e de por que se propoñen para estes postos concretos e non para outras xefaturas de negociado existentes nas ditas unidades. Así mesmo solicitan información de por que estes complementos non se estenden a todas as provincias.

Os postos de limpador/a da provincia de Pontevedra deberían pasarse a xornada completa, ou cando menos, a xornada de 6 h.

Maniféstanse en contra das amortizacións propostas e solicitan información de detalle sobre os postos que se crean por sentenza xudicial.

Por último, solicitan a creación dun arquivo central dotado de persoal especializado.

Tras a súa exposición a vicesecretaria cede a palabra aos representantes de Comisións obreiras que manifestan estar en contra da amortización de 30 postos, a maioría destes postos correspondentes a niveis baixos, de subgrupos como Agrupación profesional ou limpadoras para crear postos de nivel. Así mesmo non están de acordo coa apertura de postos a outras AAPP cando estas teñen como forma de provisión a Libre designación. Tamén se manifestan en contra de que determinadas prazas se cubran polo sistema de



provisión de LD (no caso do servizo de Xustiza entenden a apertura a persoal da administración de xustiza pero non a outras administracións públicas).

En referencia aos postos de Letrado Especialista, por unha banda non comparten a necesidade de especialización destes postos, e manifestan que non queda xustificado o establecemento da libre designación como forma de provisión nin tampouco a apertura destes postos a funcionarios do Estado e Comunidades Autónomas.

Solicitan que se avalíe a carga de traballo doutras Xefaturas Territoriais para ver se é necesaria a creación doutros postos ao igual que na Coruña e que o nivel dos postos de nómina e seguridade social sexa un 20 en vez dun 18. Sobre o cambio de denominación de telefonista a subalterno piden información sobre se o posto está ocupado e nese caso as funcións que realiza.

Por outra banda, maniféstase a preocupación sobre o traballo de limpeza que desenvolven empresas alleas fronte ao persoal da Xunta de Galicia. Solicitan así mesmo que se avalíe converter todas as prazas a xornada completa das traballadoras do persoal de limpeza dependente desta Consellería.

Ao respecto da creación de prazas por sentenza solicítase copia das sentenzas xudiciais.

Por último, sobre os postos que se propoñen crear de auxiliares de arquivos, manifestan que o traballo de expurgo debe facerse por xefaturas de sección con apoio de persoal técnico. Propoñen así a creación dos postos como xefaturas de sección e ademais nos Edificios Xudiciais de Santiago, Vigo e Ferrol, debería haber un técnico Superior de Arquivos.

A continuación toma a palabra o representante do CSIF, manifestando a oposición a que as estruturas das Consellerías se financien con postos base. Os postos de nivel 28, salvo casos excepcionais, deben ser cubertos por concurso especial. Están en contra da apertura de postos a outras administracións públicas, así a xefatura de servizo que se crea na DX de xustiza debe estar aberto a persoal da administración de xustiza pero non ao resto das administracións públicas. Solicitan explicación sobre o aumento do complemento específico dos postos de habilitación e sobre a creación de postos por sentenza.



Por último, a vicesecretaria cede a palabra ao representante de UXT que manifesta estar en contra da destrución de postos de traballo de xeito sistemático, non só nesta consellería senón noutras. Ao respecto da subdirección xeral que se crea na DX de relacións institucionais e parlamentarias entenden que este posto é innecesario e que as funcións poderían ser perfectamente suplidas por unha xefatura de servizo. As horas do persoal de limpeza deberían distribuírse proporcionalmente.

Tras a intervención de todos os representantes sindicais, toma a palabra a vicesecretaria xeral para puntualizar o seguinte:

- En contra do que se manifestou de que se creaban 12 prazas fronte a destrución de 30, en realidade as prazas a crear son 16, dado que as outras catro créanse na AGASP (unha xefatura de servizo, unha sección, un negociado e un posto base por sentenza). Así mesmo, dentro das 30 prazas hai 9 prazas de limpador/a de moi poucas horas que se amortizan para beneficiar ao persoal que ven desenvolvendo estas funcións dotando de maiores horas de traballo, co obxectivo de mellorar a calidade do traballo, e sempre de acordo co persoal. A proposta foi avaliada ao detalle desde as distintas unidades afectadas.

En todo caso é importante subliñar que todos os postos a amortizar son vacantes, en moitos dos casos desde o ano 2016 polo que a súa amortización non repercute na calidade do servizo.

- Sobre os complementos específicos propostos é necesario establecelos polo traballo que efectivamente se está a desenvolver fronte a outros postos que non teñen esta carga de traballo a maiores.
- Solicita, por último, que se fagan as achegas por escrito antes do próximo mércores 9 de xuño ás 12 h.

Nunha segunda rolda de intervencións os representantes sindicais agradecen as explicacións e manifestan a súa vontade de presentar achegas por escrito no prazo indicado.

A reunión remata ás 14:15 h.





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO

galicia

Visto o que antecede, asínase a presente acta pola xefa do servizo de Recursos Humanos e Réxime Interior, co visto e praxe da vicesecretaria xeral.



A xefa de servizo de Recursos Humanos e Réxime Interior

Raquel Fernández Yáñez

Visto e praxe,

A vicesecretaria xeral

Verónica Tellado Barcia



Xacobeo 21-22

